

Na osnovu člana 11. Odluke o utvrđivanju uslova, kriterija, postupka i načina isplate za dodjelu stipendija redovnim učenicima srednjih škola romske nacionalnosti i ostalih nacionalnih manjina u školskoj 2023/2024. godini, broj: 10/1-11-009935-1/24 od 30.4.2024. godine, Ministarstvo obrazovanja i nauke Tuzlanskog kantona, raspisuje

K O N K U R S
za dodjelu stipendija redovnim učenicima srednjih škola romske nacionalnosti i ostalih nacionalnih manjina u školskoj 2023/2024. godini

I

Raspisuje se Konkurs za dodjelu stipendija redovnim učenicima srednjih škola romske nacionalnosti i ostalih nacionalnih manjina za školsku 2023/2024. godinu i to za ukupno 60 stipendija za učenike romske nacionalnosti i ostalih nacionalnih manjina koji su redovni učenici srednjih škola u školskoj 2023/2024. godini.

II

Ukupna visina stipendije za školsku 2023/2024. godinu iznosi 1.000 KM (hiljadu maraka), s tim da će se isplata stipendije vršiti u pet jednakih mjesečnih rata, a visina jedne rate iznosi 200,00 KM (dvijestotinekonvertibilnihmaraka).

III

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je pripadnik romske odnosno druge nacionalne manjine u skladu sa članom 3. stav (2) Zakona o zaštiti prava pripadnika nacionalnih manjina u Tuzlanskom kantonu ("Službene novine Tuzlanskog kantona" broj: 14/09),
- c) da ima prijavljeno mjesto prebivališta na području Tuzlanskog kantona (u daljem tekstu: Kanton), ili da ima prijavljeno mjesto boravišta u statusu raseljenog lica na području Kantona, ili da je prije ostvarenog povratka imao status raseljenog lica na području Kantona,
- d) da je redovan učenik srednje škole na području Tuzlanskog kantona i da redovno pohađa nastavu u školskoj 2023./2024. godini.

IV

(1) Rangiranje kandidata za dodjelu stipendije, koji ispunjavaju uslove iz tačke III, vrši se na osnovu sljedećih kriterija:

- a) općeg uspjeha postignutom u prethodno završenom razredu škole (deveti razred osnovne škole, odnosno prethodno završeni razred srednje škole) i
- b) materijalnog položaja.

(2) Po osnovu kriterija „općeg uspjeha postignutom u prethodno završenom razredu“ kandidatu pripada sljedeći broj bodova:

- | | |
|---------------------------|------------|
| a) odličan uspjeh | 50 bodova |
| b) vrlo dobar uspjeh..... | 40 bodova |
| c) dobar uspjeh..... | 30 bodova |
| d) dovoljan uspjeh | 20 bodova. |

(3) Po osnovu kriterija „materijalni položaj“ kandidatu pripada sljedeći broj bodova:

- a) kandidat i članovi porodičnog domaćinstva bez prihoda 40 bodova
- b) kandidat iz porodice korisnika socijalne zaštite 30 bodova
- c) kandidat i članovi porodičnog domaćinstva čiji su prihodi po članu porodičnog domaćinstva do 30% prosječne plaće u FBiH25 bodova

- d) kandidat i članovi porodičnog domaćinstva čiji su prihodi po članu porodičnog domaćinstva od 31% do 50% prosječne plaće u FBiH 20 bodova
- e) kandidat i članovi porodičnog domaćinstva čiji su prihodi po članu porodičnog domaćinstva od 51% do 70% prosječne plaće u FBiH 10 bodova
- f) kandidat i članovi porodičnog domaćinstva čiji su prihodi po članu porodičnog domaćinstva preko 70% prosječne plaće u FBiH 5 bodova

(4) Pod članom porodičnog domaćinstva, u smislu ove odluke, podrazumijevaju se: roditelji, sestre i braća, očuh, maćeha, usvojitelj, staratelj, djed, nena/baka ako sa kandidatom žive u zajedničkom domaćinstvu.

(5) Ukupan prihod, u smislu ovog člana, čine prihodi koje članovi porodičnog domaćinstva ostvaruju po osnovu plaća i drugih primanja iz radnog odnosa, starosne invalidske i porodične penzije, privredne, uslužne i druge djelatnosti i prihodi po osnovu socijalne zaštite.

(6) Kod utvrđivanja ukupnog prihoda po članu porodičnog domaćinstva u obzir se uzima prosječna neto plaća ostvarena u Federaciji Bosne i Hercegovine u prethodnoj godini, prema zvaničnom podatku Federalnog zavoda za statistiku.

V

Ukoliko na rang listi dva ili više kandidata ostvare isti broj bodova, prednost na rang listi ostvarit će kandidat prema sljedećem redoslijedu:

- a) kandidat sa manjim prihodima po članu porodičnog domaćinstva,
- b) kandidat koji je ostvario veću prosječnu ocjenu u prethodno završenom razredu škole.

VI

Prijave na konkurs sa potrebnom dokumentacijom podnose se Ministarstvu obrazovanja i nauke Tuzlanskog kantona u roku od 15 dana od dana objavljivanja konkursa na veb stranici Ministarstva obrazovanja i nauke Tuzlanskog kantona (www.montk.gov.ba). Prijava na konkurs vrši se putem prijavnog obrasca, koji se može preuzeti na veb stranici Ministarstva obrazovanja i nauke ili u službenim prostorijama Ministarstva obrazovanja i nauke Tuzlanskog kantona.

VII

Uz popunjen prijavni obrazac kandidat je obavezan dostaviti i sljedeću dokumentaciju kojom dokazuje da ispunjava uslove iz tačke III konkursa:

- a) uvjerenje o statusu redovnog učenika srednje škole na području Tuzlanskog kantona, odnosno da učenik redovno pohađa nastavu u školskoj 2023./2024. godini (original ili ovjerena kopija),
- b) uvjerenje o državljanstvu,
- c) dokaz o prijavljenom mjestu prebivališta, odnosno boravišta (CIPS obrazac), ili za lica u statusu povratnika dokaz da je prije ostvarenog povratka imao status raseljenog lica na području Kantona,
- d) ovjerena izjava jednog roditelja/staratelja da je učenik pripadnik nacionalne manjine - obavezno navesti naziv nacionalne manjine (izjava ovjerena od strane nadležnog gradskog/općinskog organa uprave ili notara),
- e) dokaz o zajedničkom domaćinstvu (kućna lista), ne stariji od 30 dana (original ili ovjerena kopija).
- f) kopiju svjedočanstva o prethodno završenom razredu škole (deveti razred osnovne škole odnosno prethodno završeni razred srednje škole),
- g) dokaz o materijalnom položaju (original ili ovjerena kopija), i to:

- za svakog punoljetnog radnosposobnog nezaposlenog člana porodičnog domaćinstva – uvjerenje Službe za zapošljavanje ili uvjerenje Poreske uprave da lice ne ostvaruje prihode,
- za člana porodičnog domaćinstva korisnika socijalne zaštite – potvrda/uvjerenje nadležnog organa,
- za člana porodičnog domaćinstva koji ostvaruje prihode – dokazi o zaposlenju i visini stalnih izvora prihoda za sve zaposlene članove porodičnog domaćinstva (original ili ovjerena kopija), koji se dostavljaju alternativno u zavisnosti od načina sticanja prihoda, i to: tri posljednje platne liste ili uvjerenje poslodavca o prosjeku tri posljednje mjesečne plaće, ček od PIO penzije, a za lica koja imaju registrovanu samostalnu djelatnost odgovarajući dokaz u zavisnosti od vrste djelatnosti.

VIII

(1) Na osnovu konačne rang liste sa kandidatom, odnosno roditeljem/starateljem kandidata, zaključuje se ugovor o stipendiranju, kojim se bliže uređuju međusobna prava i obaveze.

(2) Ugovor o stipendiranju zaključuje se u roku od 30 dana od dana isticanja konačne rang liste na veb stranici Ministarstva obrazovanja i nauke Tuzlanskog kantona, a ukoliko u tom roku kandidat odnosno roditelj/staratelj ne potpiše ugovor, kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

IX

(1) Konkurs ostaje otvoren 15 dana od dana objavljivanja na veb stranici Ministarstva obrazovanja i nauke Tuzlanskog kantona.

(2) Prijave na Konkurs sa potrebnom dokumentacijom šalju se putem pošte preporučeno ili lično na adresu Centralne pisarnice kantonalnih organa uprave - ulica Fra Grge Martića 8, 75000 Tuzla, sa naznakom „Prijava na Konkurs za dodjelu stipendija za učenike srednjih škola“.

(3) Nepotpune i neblagovremene prijave neće se uzeti u razmatranje.

Ministarstvo obrazovanja i nauke
Tuzlanskog kantona